

社友通訊

通訊

醫藥學報社同人撰

同社吉生裘慶元輯

論疫症名稱書

吉生先生大鑒邇來時疫流行各處一轍燎原莫救良可哀也但夏秋暑濕爲患伊古如斯前賢且有成法可遵在吾儕視之未足云怪獨於名詞一項種種不同吾鄉俗稱爲吐瀉病醫者名爲霍亂（包括癰螺痧吊脚痧而言）竊以不名此不足以得其正古冊具在非可誣也至若名瘰也及名亞細亞瘰也名亞細亞霍亂也名眞虎列拉也名惡性虎列拉也名虎列刺也無論其確與不確而同爲流俗之妄名置之不道可也必不得已取吾國舊有之名詞與新譯之名詞並俗稱之名詞合同而研

究之規定其最精最確者爲普通之稱呼想一症耳一名耳吾醫輩諸道長心存國粹者固有之醫權斷不至自甘暴棄種種若何之表示一定之主張特非逸之管窺所能見也閣下乃醫界泰斗郵遍中西諒必獲先覩矣翹瞻一暢再逸於私意所最不能自己者爲滬上通呼虎疫之名詞卽謂虎列拉之悍菌真有與否（拉或作刺）吾國醫士未曾實驗決不宜依樣葫蘆而相沿俗習況道聽途說以隨人顰眉乎其在所不宜亦旣彰彰矣卽使確有虎列拉之悍菌而混稱爲虎疫亦屬非理牽強如此何以昭示外人遺笑方家咎由自取甚矣因循害之也然更有甚者虎列拉也虎疫也均爲東人之名詞倘有足不出戶之醫生聞此鮮不駭而却步致失中醫價值其害一也且旣公認爲虎列拉悍菌之肆虐則中藥尙不知何味有特效考證須時而石炭酸甘汞阿片薄荷油挖沕氏散次硝酸蒼鉛等更當價增十倍矣坐令利權東溢其害二也受其害而未萌其利飲鳩止渴何樂爲之斯逸所大惑不解者也望

先生教之至有謂治霍亂宜參行針灸竊以大吐大下之後針有所不能行陽微陰
涸之候夫灸亦所當戒宜行宜戒是在司命者臨證權衡耳再者個人知識有限事
理研究無窮友丞君此語實先得我心試觀人自爲師家自爲教中國舊學所以日
漸傾頽合羣策羣力競爭學識此歐西新學所以日出不窮相形見絀早爲世界所
公認吾國有識之士莫不以急起直追爲前途保存國粹爲目的如設會以聯感情
出報以開智識辦校以植人才卽醫界亦同聲響應將與睡獅俱醒矣但金玉其外
敗絮其中有名而無實斯不能爲吾人驕也故欲樹整頓之善策非互相討論不可
各呈所見各抒所知庶沉酣於學術競爭失至理賞奇析疑大道維光豈曰小補云
爾斯舉也南京醫報亦曾行之惜繼起無人事遂中輟逸處心積慮敢謂討論一門
實醫報中之要素閣下如有意於此祈在貴報中先行提倡逸當按期寄稿登於貴
報以供諸同志之討論將來篇稿豐盈刊成單本亦最有價值之書也如不我棄乞

示方針是所切禱並望將此稿刊於報端以待社友同志者之商榷也肅此寄言希

恕草草並頌 公安

時逸人手肅

醫學集要之內容并緣起

清康熙雍正朝時有御醫劉璐河南平輿人（即今之沈邱縣）幼時曾遇異人推斷終身云天子門下閑人王候座上貴客以後一身遭際悉如所言頗爲後世所傳誦究厥醫學之精胥得力於其兄劉石友公所傳授石友公名璞著有醫學集要一書版藏沈邱劉族中余友高君紫玖亦平輿人也嘗爲予稱道之今年回籍代搜求一部持以相贈披覽一週詞旨粲達平易近人方法一本諸經典多半集錄各家之精華而發明分論症治臟腑脈訣藥性并婦幼兩科竊思闡揚幽微保存國粹 貴社素所主張者也該書祇行一隅未能徧及倘世遠失傳亦殊可惜用特將是書之端末先爲函告儻荷 允爲刊行俾廣流傳當即由郵寄呈也此佈敬頌

道祺

弟李迺羹鞠躬

擬刊醫學集要書

醫學集要一書著作之姓氏及緣起羹前亦函陳梗概其第六冊刻已繕就復加披閱大略書中分論病症應有儘有附集之方尤多奇秘洵爲世所不經見之作擬請吉生先生或貴社諸君爲著一序以公諸世俾廣流傳惟該書距今久遠原版損缺者不少鄙見有待商者數條附述於下（一）首冊論臟腑各圖多係舊式或另繪完善或刪除其圖只存各臟腑之論（二）藥性門短少二頁能增補更妙否則卽仍舊（三）書內字有模糊者擬請順其詞句添補明顯以上愚見總祈卓奪是幸茲於五月十二日將是書由郵寄上至請察收爲荷敬頌道祺弟李迺羹鞠躬

寄刊眼科書

此部眼科係前清愚堂叔祖選門公爲江西廬陵縣令時適患目疾者甚夥由此書

之治愈者亦夥方知此書亦可補救吾民之疾苦欲將傳送而原板無存於是自行將原書翻印作善書贈送以廣流傳以公同好然自廬陵解組歸田後仍存之書又贈族人及各鄉之好醫學者故得傳吾人之手能應貴社之徵求余以簡樸不文其時又值幼年不能詳述選門公在廬陵之政聲心迹一一而表彰之殊深抱歉茲因貴報社諸公組織流通醫藥書籍公司以期孤本先行流通心甚快之即依昨日郵片之命遵照奉寄以俟採擇

謝壽愚謹啓

論蘭草

蓮塘先生雅鑒茲有嚴癡孫君以口甘脾痺內經用蘭以除陳氣抑係蘭花之草抑或佩蘭卽蘭草將閣下原函轉來相質今就管見臆斷竊以爲蘭花草者是也試請據理詳陳其說矣查本草原始云蘭草味辛平無毒善止消渴除胸中痰癖散久積陳鬱之氣甚有力兼利水道等語恰與內經治之以蘭王冰之註相合且其圖式亦

確係蘭花草也雖間有疑蘭花之草並無芳香焉能除陳積之氣謂必係一種蘭香芳草無疑然徵諸內經腹中論篇謂熱中消中不可服高粱芳草又云熱氣慄悍芳草氣美美者相遇恐內傷脾今脾瘴非熱中消中類耶然則蘭香氣濃性溫豈脾瘴所宜乎不如蘭花草有芳性而無芳質之爲宜也此可知用蘭花草而非用蘭香也明甚不然或竟用氣質幽馨之蘭花亦較善於氣濃性溫之蘭香多矣管見如斯然乎否乎此請台安並希惠示

張國華謹言

敬告全國同胞急宜研究催眠術書

西儒伯倫海炎博士曰醫師不修催眠學受入生命之託是對於社會則欠昂大責任對於自己則自怠義務美臣克度博士曰營術不加催眠而謂爲完全是爲妄語蓋疾病者由外因或內因而健康變態正規生活異常也然組織吾人身體之細胞具獨立的意義之生活物也其對外因有反抗之自然妙機能恢復健康而免內因

之誘起此妙機學術上稱自然之療法也醫療者不過爲除去外因恢復細胞之抵抗力或鼓舞細胞之自然療能以促其治愈之方治而已故醫者僅能補佐自然療法之所不及至於疾病之所以克愈者仍賴細胞自身之力世間之人每以爲醫士能愈疾病則大誤也不論何種功妙之醫療苟細胞之自然療能項乏缺不能再恢復健康卽名醫良藥不能爲力所謂生死有命醫者但能補助自然之療法而已醫聖歌撲氏有言曰自然卽醫又曰醫乃自然之僕故自然療法實爲近世不磨之論而催眠療法者卽以精神恢復其細胞之抵抗力以克治愈之法也實補佐自然療法無尙之方法也況催眠療法能免中毒及起副作用之危害又爲藥石療法之所不及哉且也人之疾患有機能的與器質的之別關於器質的應用藥石或可收效若夫關於機能的如神經衰弱歇斯的里等症則藥石難期全治非應用催眠治療不可所謂精神療法能補藥石療法之缺憾者是也此催眠術之神益於醫療者也

又特爾卑博士曰欲矯正兒童頑惡之性癖而爲善良之性質者莫如應用催眠學
凡教育不假以催眠學之力不能謂之完全蓋教育云者非僅授以知識之謂教者
校也育者養也猶必校正兒童之性癖而陶成其善良之性格養護兒童之身心而
完成其健康之體魄然兒童性質稟自先天者也如膽怯心粗偏僻魯鈍強迫觀念
等缺憾有非教育自身之力所能補救又兒童惡癖雖屬後天而習染既久卽成第
二天性欲矯正之非惟教育不易爲力即藥石亦難收功如貪多苟取吃音怕羞晚
眠晏起貪玩奸賭等癖性是也觀此則教育之力亦有時而窮雖然果能應用催眠
術則確有補救矯正之奇效而濟教育之窮此催眠術之神益於教育者也其他催
眠學之效用甚廣審判疑案偵探秘密強健身心修養膽力增長安樂消却煩愁達
觀人心透視物體並可解決宇宙間一切不可思議的現象如生人與靈魂晤談也
卽催眠術中眠遊狀態之幻覺耳巫覡及崇禍也卽催眠術中之人格變換耳扶乩

也卽催眠術中潛在精神之作用耳托兆也卽催眠術中精神移送之作用耳舉凡一切不可思議現象莫不可以催眠術解決之神乎哉催眠術之靈妙偉矣哉催眠術之萬能此歐美日本之所以重視斯術而於學校心理一科無不加入此術實行教授而其學者亦莫不熱心傾注如湧如狂也蓋深知夫此無形之科學其已著之效驗固如上述而循此更進則不獨人鬼關頭可望溝通將來一切藥石一切有形科學咸必爲此無形科學所征服故其研究斯學萬衆一心而其學術之進步所以有一日千里之勢也返觀吾國懵者充耳未聞知者悠游不決有形科學前既貽亡羊之失無形科學今復懈未雨之籌寧不大可痛哉況我國當今道德淪喪人心日壞欲求根本之改革舍斯術其奚由望我同胞共除墨守之習速揚進取之鞭庶我國學術之進步或不致永落人後而東亞病夫之頭銜或可離我而遠去同胞同胞投袂其速興不佞匪先覺之天民亦識途之老馬同攬轡以遊來吾導夫先路凡我

同志請將住地寄下即詳細上告在太倉大廟王綽然謹上

王壽芝錄

與何廉臣論中醫學校辦法

廉臣先生大鑒許久未通音問念甚邇維 春滿杏林隨時納福爲頌現在杭州中醫學堂已將攷試新生先辦預科以兩年爲修學期課程約分衛生生理病理診察倫理國文諸科生理學有中西兩班衛生病理診察專屬中醫範圍講義正在試編擬從內經入手採取類經篇次加以章節輯錄各家註說闡明經旨分課教授未識高見以爲何如用敢函陳大略是否有當還希 示我周行俾得有所率循并聞甯波亦將於下學期開辦 貴處未識如何想 熱心提倡當亦不遠敝校初次創辦諸未妥善將來取法良多務祈不吝 金玉時錫 教言爲盼此頌

大安

小弟王香巖都敬齋同鞠躬

答束子嘉

子嘉先生有道久仰 泰斗祇以韋布緣慳未獲一親 喬采乃荷 郇箋下賁并

賜 大著洋洋千言捧誦之餘欣感交集伏惟 先生藝受長桑脈窺臟腑抱濟世

婆心具活人妙術筆下千言文思萬斛溯源澄本得南陽之薪傳苦心孤詣明中醫
之秘奧中流砥柱堪挽狂瀾僕讀報中佳作傾心膜拜久矣復接 惠函益覺才華

氣宇和藹春風更有勝於曩之所佩者僕南沙愚魯樗櫟散材濫竽醫林辜負大道
矧又年幼寡學閱歷不多井蛙之見詎堪信世襪線之才何足掛齒乃承 先生不

棄引爲知己操刀學割培增汗下然 尊意慇懃下頒蓬戶僕一得之愚敢不貢獻

於座右夫中醫之學原屬至高至深通天地人三三得九二五成十之意合河圖八
卦變化承制之理原非淺見寡聞者所能洞其奧而知其妙上古聖人知其然也故
以五行生尅偏勝之理以爲維一之宗旨妄者但知五行爲假借之名詞無用之誕
學不知日用起居以至疾病何嘗一刻離乎五行人不自省而反侮蔑聖經妄言廢

止欲使數千年一線之統緒而斷絕於今日不亦重可嘆哉試執廢止者而問之曰五行可廢五味亦可廢乎肝主木木味酸而酸入肝自有一定三白湯瀉白散均知治肺之藥導赤散益元散豈非小腸之品白屬金色而肺爲金臟赤爲火色而亦走火腑豈非明驗他如石之降金之沉花之開葉之散枝之走筋之通血肉之養血肉頭尾之分頭尾亦皆具五行之理人之葆養先天冬日藏精卽爲來春生發之機猶培木必以水爲滋養也其培植後天則全賴穀食以土崇土又以五味調之和其亢害所以偶有不舒口卽泛味苦酸辛甘各隨症見亦卽五行之變而生病也日用習慣之理人每棄而不講徒以西醫之鈎割切開特效藥能爲尙殊不知彼之鈎割切開特效藥能之中亦具五行之理但彼知其然而不知其所以然也知其然者效之實也所以然者推治效之原始明五行之妙理也今之人但知其然不知其所以然所以有廢止之說如 先生者憂國憂時以昌明五行爲己任僕極表贊同惟欲僕

評定是非則安敢當 大稿兩篇准代轉紹興醫報社勿念此函閱後亦祈轉紹興醫報社刊入通信欄俾天下同志知所興起也(下略)

世晚張謇汝偉謹啓

催刊預告未印書

紹興醫藥學報社主任先生大鑒(中略)宣統年何廉臣先生編輯葉天士醫案按已有樣本一冊光復時醫報暫行停止此書未印深爲可惜今日貴報復興又添大增刊以補醫報之不足廣收書籍刷印叢書貴社辦法盡美盡善矣僕等請主任先生向何廉臣先生要求葉天士醫案按以及編輯醫書十餘種內經存眞內科證治全書古續今醫案按全體總論新湯頭歌訣吳氏醫案按勘病要訣新方歌括醫話叢編婦科學粹均見實用之書請收入社內刊印挨次出版或送書坊石印或用竹紙鉛印出版迅速銷行自然發達閱者足裨實用以增學識是以不揣冒瀆敢陳鄙言尙乞原宥未識主任先生以爲如何此上卽請 道安

吳傑三謹啓

上報社社友書

逸人氏敬祝 新禧於報社諸社友之前曰縷縷私衷敢邀公鑑逸自慚駑下故就正方家妄肆雌黃惟冀裁成於哲匠乃高情雅誼不以不可教而辱教之拜識之餘殊增慚感茲際庚申初吉歲轉星迴時與日新本報又增光彩逸因此而生感慨矣想諸社友亦可表同情也回憶己未一年奔馳背道小人好議論而不樂成人之名有難辭其咎矣在私意以爲犧牲管見供諸君子以發揮故首犯衆難甘獲罪戾乃一誤而至再誤再誤而至三誤人非木石其孰無知由今思昨四十九歲之皆非矣嗚呼樂諛而惡毀吾豈異於人哉特管見有所不敢居者曰諛之必作三日喜毀之必作三日悲人情事理所必至者喜必驕驕必敗悲必愼愼必昌斯二者之孰得孰失何忌何從想吾諸社友當必有能辨之者矣古諺有之曰君子之愛人也以德細人之愛人也以姑息逸嘗繩之以律己舉之以勉人戰戰兢兢不敢他駛操明哲者

當曲諒也或者從而詆之未免過矣且夫中國醫學症治無成規可守療法未能擴充生理病理無專科之研究解剖組織無獨立之範圍診斷有煩雜之葛藤藥學無生存之價值凡此數端皆中醫學識幼稚之鐵證持保存術者不去其誤惟就其偏此逸所以敢謂爲危者也爰爲諸社友告之不敏之誅無所逃避略佈遁詞祈各鑒而愍焉謹此寄懷載拜請教

時逸人啓

復吉生君函

吉生先生大鑒另呈一片諒邀台收茲啓者拙著醫學叢書分爲二派一爲益人堂醫學叢書爲糾正中醫而作一爲江左益人醫社叢書爲糾正西醫而作蓋以中西醫學各不相侔而皆有獨立生存之性質足資研究原不必拉雜而偏執之然亦各有缺點誤謬之處如拙著諸書內容糾正之學說是也閱者自知益人堂醫學叢書原擬釐定廿五種已成者十四種寄至社中有二種餘皆雖已脫稿但此叢書乃前